



COMUNE DE PÀDRIA

DELIBERATZIONE DE SA GIUNTA COMUNALE N. 3 DE SU 18/01/2021

OGETU: APROVATZIONE DE SU PROSPETU AGIORNADU DE SU RESURTADU DE AMMINISTRATZIONE PRESUNTU IN CUNFORMA A S'ART. 187, COMMAS 3 *QUINQUIES* E 3 *SEXIES* DE SU DGS N. 267/2000 E MM.II.II..

S'annu duamìgia bintiunu sa die degheoto de su mese de Ghennàrgiu a sas oras 16.35, in s'UFÌTZIU DE SU SÌNDIGU, fatu chi siat esaurimentu de sas formalidades prescritas dae sa Lege e dae s'Istatutu, s'est riunida sa Giunta Comunale suta sa presidèntzia de su SÌNDIGU DOT. MURA ALESSANDRO.

A s'apelu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	DOT. MURA ALESSANDRO	EMMO
ASSESSORE	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO

Presentes n° 3 Ausentes n° 0

Partètzipat su SEGRETÀRIU COMUNALE DOT. PULEDDA ANTONINO, su cale providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e declarat aberta sa setziada pro sa tratatzione de s'ogetu subra marcadu.

SA GIUNTA COMUNALE

PREMÌTIDU chi:

- cun deliberatzione de su Consìgiu comunale n. 37 de su 31.12.2020 est istadu aprovadu su bilàntziu de previsione finantziàriu 2021-2023;
- in su prefatu bilàntziu est insertadu su prospetu de su resurtadu de amministratzione presuntu, in cunforma a s'art. 11, comma 3, lit. a) de su D.lgs n. 118/2011 e mm.ii.ii.;

CUNSIDERADU chi, pro pòdere ativarre ispesas chi derivant dae fundos vinculados bènnidos a pare in s'avanzu de amministratzione, si faghet netzessàriu aplicare cuotas de s'avanzu de amministratzione prima de s'aprovazione de su rendicòntu de gestione 2020;

TORRADU A CRAMARE s'artìculu 187 de su decretu legislativu n. 267/2000, comente modificadu dae su decretu legislativu n. 118/2011 e integradu dae su decretu legislativu n. 126/2014 chi rètzitat a manera testuale:

- *comma 3: “Sas cuotas de su resurtadu presuntu chi derivant dae s'esertizìziu pretzedente, costituidas dae acantonamentos chi resurtant dae s'ùrtimu consuntivu aprovadu o chi derivant dae fundos vinculados podent èssere impreadas pro sas finalidades a sas cales sunt destinadas prima de s'aprovazione de su contu consuntivu de s'esertizìziu pretzedente, pro mèdiu de s'iscrittione de custas resursas, comente posta distinta de s'intrada, in su primu esertizìziu de su bilàntziu de previsione o cun provedimentu de variatzione a su bilàntziu. S'impreu de sa cuota vinculada o acantonada de su resurtadu de amministratzione est cunsentidu, subra de sa base de una relatzione documentada de su dirigente cumpetente, puru in casu de esertizìziu provisòriu, ebbia pro garantire sa sighida o s'aviu de atividades sugetas a tèrmines de iscadèntzia, sa no atuatzione sua diat a determinare dannu pro s'ente, segundu sas modalidades individuadas in su comma 3-quinquies”;*
- *comma 3-quater: “Si su bilàntziu de previsione impreat cuotas vinculadas de su resurtadu de amministratzione presuntu in cunforma a su comma 3, intro de su 31 de ghennàrgiu sa Giunta verificat s'importu de sas cuotas vinculadas de su resurtadu de amministratzione presuntu subra de sa base de unu preconsumtivu relativu a sas intradas e a sas ispesas vinculadas e aprovat s'aggiornamentu de s'allegadu a su bilàntziu de previsione segundu s'art. 11, comma 3, lettera a, de su decretu legislativu 23 de làmpadas de su 2011, n. 118 e modificatziones imbenientes [...]”;*
- *comma 3-quinquies: “Sas variatziones de bilàntziu chi, in s'isetu de s'aprovazione de su consuntivu, àplicant a su bilàntziu cuotas vinculadas o acantonadas de su resurtadu de amministratzione, sunt efetuadas ebbia a pustis de s'aprovazione de su prospetu aggiornadu de su resurtadu de amministratzione presuntu dae parte de sa Giunta segundu su comma 3-quater [...]”;*
- *comma 3-sexies: “Sas cuotas de su resurtadu presuntu chi derivat dae s'esertizìziu pretzedente costituidas dae sos acantonamentos fatos in s'interi de s'esertizìziu pretzedente podent èssere impreadas prima de s'aprovazione de su contu consuntivu de s'esertizìziu pretzedente, pro sas finalidades a sas cales sunt destinadas, cun provedimentu de variatzione a su bilàntziu, si sa verifica segundu su comma 3-quater e s'aggiornamentu de s'allegadu a su bilàntziu de previsione segundu s'art. 11, comma 3, lettera a), de su decretu legislativu 23 de làmpadas de su 2011, n. 118, e modificatziones imbenientes, sunt fatos cun riferimentu a totu sas intradas e sas ispesas de s'esertizìziu pretzedente e no ebbia a sas intradas e a sas ispesas vinculadas.”;*
- **DADU ATU** chi est istada fata sa ricognizione de totu sas intradas e de totu sas ispesas e puru de sos vùnculos chi càrrigant in s'avanzu, comente espònnidu in su prospetu allegadu a sa deliberatzione presente cun riferimentu a sos datos de su preconsumtivu de su 2020 e in particolare in riferimentu a sas cuotas vinculadas e acantonadas de s'avanzu de amministratzione in fase de redatzione;

RILEVADU chi:

- sa cuota de avanzu de amministratzione presuntu est bastante pro satisfàghere totu sos vùnculos de bilàntziu e sos acantonamentos obligatòrios;

- non ricurret pro cussu su casu in ogetu segundu s'ùrtimu perìodu de su comma 3-*quater* de s'artìculu 187 de su Dlgs n. 267/2000 e mm.ii.ii.;

RECONNÒSCHIDU, pro cantu finas a inoghe espostu, chi sussistint sas cunditiones netzessàrias pro protzèdere a s'aprovazione de su prospetu aggiornadu de su resurtadu de amministrazione presumidu in cunforma a s'art. 187, commas 3 *quinquies* e 3 *sexies* de su Dlgs n. 267/2000 e mm.ii.ii.;

BIDOS:

- su Dlgs n. 267/2000 e mm.ii.ii. e in particolare sos artìculos 175 e 187;
- su printzìpiu contàbile aplicadu de sa cumpetèntzia finanziaia, allegadu 4/2 a su decretu legislativu n. 118/2011 e mm.ii.ii., in particolare su puntu 9.2, e su printzìpiu contàbile aplicadu de sa programmatzione, allegadu 4/1 de su decretu tzitadu;

ATESTADA sa cumpetèntzia pròpia in cunforma a sas dispositziones normativas, istatutàrias e regulamentares in vigèntzia;

INTESA sa relata incraritiva a incuru de su Sìndigu, agiudadu dae su Segretàriu comunale;

ACHISIDOS subra de sa proposta de deliberatzione, sos parres favorèvoles de su Responsàbile de su Servìtziu Finanziaiu in òrdine a sa regularidade tècnica e contàbile, in cunforma a s'art. 49, comma 1, de su Dlgs n. 267/2000 e mm.ii.ii.;

DADU ATU chi subra de sa matessi proposta de deliberatzione n. 37 de su 15.01.2021 est istadu proadu, cun èsitu favorèvole, su controllu in su matessi tempus de regularidade amministrativa a incuru de su Segretàriu comunale, a s'èsitu de su coordinamentu testuale cuncordadu cun sos Responsàbiles de sos Servìtzios interessados;

ACLARADU chi sa setziada presente de sa Giunta Comunale s'est acumprida in modalidade telemàtica a manera parziale, in cunforma a s'art. 73 de su DL 18/2020 e mm.ii.ii. e puru de su decretu de su sìndigu n. 2 de su 23.03.2020;

DADU ATU chi totu sos partetzipantes a sa setziada:

- ant àpidu visione e disponibilidade preventiva de sa proposta de deliberatzione chi pertocat s'ogetu;
- ant àpidu s'oportunidade de partetzipare a sos traballos de sa die de oe de sa Giunta Comunale in presèntzia (Mura, Marica e Dettori) siat in relazione a sa discussione chi in òrdine a sa votazione, cun su controllu costante de su Segretàriu comunale;

cun votos favorèvoles in su matessi tempus de acordu, esprìmidos a manera legale, in cunforma a cantu subra indicadu

DELÌBERAT

DE FÀGHERE PRÒPIAS sas premissas narrative e motivatzionales a su dispositivu presente chi inoghe si intendent a manera integrale marcadadas e traspostadas;

DE APROVARE, in cunforma a s'art. 187, commas 3 *quinquies* e 3 *sexies* de su Dlgs n. 267/2000 e mm.ii.ii., su prospetu chi cuntenit sas risultantzias de s'avanzu de amministrazione presuntu aggiornadas cun sos datos rilevados dae su preconsuntivu de su 2020 e su particolare de sos vùnculos e acantonamentos relativos, allegadu a sa deliberatzione presente pro nde fàghere parte integrante e sustantziale;

DE DARE ATU chi s'aggiornamentu de su prospetu de su resurtadu de amministrazione presuntu aprovadu cun s'atu presente est netzessàriu pro pòdere applicare cuotas vinculadas o acantonadas de su resurtadu de amministrazione prima de s'aprovazione de su rendicontu de gestione pro s'annu

2020;

DE DECLARARE in fines, cun separada, in su matessi tempus e a sa matessi manera votazione de acordu, (Mura, Marica e Dettori in presèntzia), sa deliberatzione presente esecutàbile a manera immediata in cunforma a s'art. 134, comma 4, de su D. Lgs. 18 de austu de su 2000, n. 267 e mm.ii.ii., pro s'urgèntzia de assicurare su megioru sollitzitu de sas finalidades suas.

PARRE DE REGULARIDADE TÈCNICA

In cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **15/01/2021** at esprimidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c.1 de su T.U.E.L. su Dirigente/P.O. **ARCA MARIANGELA** in data **15/01/2021** at esprimidu parre **FAVORÈVOLE**

Su SÌNDIGU
DOT. MURA ALESSANDRO

Su SEGRETÀRIU COMUNALE
DOT. PULEDDA ANTONINO

NOTA DE PUBLICATZIONE N. 56

In cunforma a s'art. 124 de su T.Ù. 267/2000 su Responsàbile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 18/01/2021 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Traduzione de s'operadora de s'isportellu linguisticu de Pàdria
Maria Leonarda Correddu

Copia digitale di documento informatico firmato digitalmente e prodotto ai sensi del D.Lgs 82/2005 e
rispettive norme collegate